

AKPOWOO YE MEI DIJI AKUSUMI HE 1892.

Blema beni Ghana yɔɔ blɔfo nɔyeli shishi ɛ blɔfo amralo nɔyɛɔi ɛ tsɔmɔ gbɛi srɔtoi anɔ ni amɛkɛnɔnyɛɛ aye mɛidiji anɔ ye jarayeli hewɔ kɛ agbɛnɛ hu kɛshɛ sanɛkpakpa ɛ. Kɛshɛ otii nɛɛ ahe ɛ blɔfo amralofoi nɛɛ wowoi mlai kɛ akpɔi komɛi ni haa mɛi diji akusmi nɛɛ babao tsake ni eha blɔfo nɔyɛɔi ɛ na hegbei srɔtoi. Ye afii ɛ800 mli gbɛ ɛ, nibii babao gba blɔfo amralofoi ɛ anaa ye mɛi diji nɛɛ akusumi hewɔ. Nibii ekomɛi ji:

- a. Sanɛkpakpa shiɛɔi ɛ eyanuuu Dipo nifeemɔ ɛ shishi. Amɛna ɛ akɛ wɔnjamɔ ni akɛ gbɛkɛbiiyɛi haa wɔnj Nene Kloweki. Agbɛnɛ hu amɛsusu akɛ Dipoyɛi ahesaamɔ ɛ bɛ hiɲmɛi nɔ. Ni gbɛkɛbiiyɛi babao ni he sanɛkpakpa ɛ ye ɛ hu kuɔ amɛsɛɛ ni amɛyafɛɔ Dipo kusum ɛ ni amɛshɛmɔ nitsumɔ ɛ miifɛɛ efolo.
- b. Eji mla nɔ tɔmɔ akɛ mɔko baafu egbonyo ye eshia ejaake esa ni mɔ fɛɛ mɔ ayafu egbonyoyɛ gɔɔ mli. Shi Krɔbɔmɛi yafuɔ amɛgbohii ɛ ye amɛtsɛmɛi awei ni yɔɔ gɔɲi ɛ anɔ ɛ amlɛi. Enɛ haaa ni British blɔfo amralofoi ɛ amla nɛɛ anyɛ atsu nii ye Krɔbɔmɛi ɛ anɔ bɔni ataoɔ.
- c. Djemli ahewalɛi ɛ mli wa jogbanɲ ni no hewɔ ɛ, Krɔbɔmɛi ɛ bo amɛ toi fe blɔfo amlalo nɔyɛɔi ɛ kɛ amɛmlai ɛ. Enɛ ha ewa jogbanɲ eha blɔfo nɔyɛɔi ɛ akɛ amɛnyɛ amɛkudɔ Krɔbɔmɛi ɛ ejaake amɛbooo blɔfomɛi ɛ atoi ni hu akɛ gɔɲi anɔ amɛyɔɔ hewɔ ɛ beni blɔfo nɔyɛɔi ɛ tee yakwɛ gɔɲi ɛ anɔ ɛ amɛsusu akɛ wɔɲi agɔɲi ji Klo gɔɲi ɛ.

www.TheGaDangme.com

www.facebook.com/TheGaDangme

www.youtube.com/TheGaDangme

d. Tayaa wɔji ɛ taɔɔ akɛ mɔko anyɛ ahɛ kunimyeli jweremɔ nii dani mɔ ɛ anyɛ afata amɛjamɔ ɛ he. Ni kunimyeli jweremɔnii nɛɛ ji gbɔmɔyitsonɔŋo enɛ ha agbeɔ mɛi yɛ gɔji nɛɛ ahe waa.

Enɛmɛi kɛ nibii krokomei ni tee nɔ yɛ jɛi nian ahewɔ ɛ jee tsakemɔ kɛba Kristofonyo feemɔ mli pɛ kɛkɛ fee naagba eha blɔfo nɔyɛlɔi ɛ, shi mon mɛi she Krɔbɔmɛi akpɔian nyiemɔ gbeyei waa diɛntɛ yɛ amɛwala hewɔ. Naagbai nɛɛ ha jarayeli yɛ jɛi nian fee ahuntoo yɛ afii ɛ892 bei ɛ amlɛ. Enɛ ha Amralo Griffiths ŋɔ nakai hegbe ni beni Nene Sakite gbo yɛ Aharabata nyɔŋɛ ɛ nɔ yɛ afii ɛ892 ɛ nɔ ɛ ewo akpɔ ni blɔfo tɛɔ ɛ akɛ ‘Native Customs Ordinance of ɛ892’ ni ha afɛe nibii nɛɛ:

- i. Afa Krɔbɔmɛi ɛ kɛjɛ Klo gɔji ɛ anɔ, ni enɔ gbii etɛ sɛɛ ɛ aha Ahusa asrafoi tee yafite amenibii ni eshwɛ yɛ gɔji ɛ anɔ ɛ. Ni afite aahu akɛ tɛi ni asusu akɛ wɔji loo Krɔbɔmɛi akusum nibii tete po ɛ afamɔ.
- ii. Adamɔ hu ni agu Dipo feemɔ kusum ɛ yɛ Krɔbɔmɛi atɛŋ.
- iii. Agu Nadu kɛ Kotoklo ni ji tayaa wɔji ɛ ajamɔ kɛ amenifeemɔi fɛɛ.

Aŋma akpɔ nɛɛ ni akewo wɔji amlɛ fɛɛ akɛ awo kɛŋkɛŋ Kristofoi amanɛtɛ yɛ Manya Krɔbɔ ni gbɛi ji Konor Emmanuel Mate.

This Article was translated into Ga by Nii Adjetey Adjei of Obonu TV

www.TheGaDangme.com

www.facebook.com/TheGaDangme

www.youtube.com/TheGaDangme